

KERATAN AKHBAR

TARIKH : 23 JULAI 2025
AKHBAR : BERITA HARIAN
MUKA : 22
SURAT

RMK 13 tingkat daya saing, ransang pelaburan

RMK13 tingkat daya saing, rangsang pelaburan

Rancangan Malaysia Ke-13 (RMK13) dijangka meningkatkan daya saing Malaysia dengan mempromosikan pembuatan bernilai tinggi menerusi dasar mesra perniagaan dan pelabur, kata ahli ekonomi.

Profesor Madya Putra Business School, Dr Ahmed Razman Abdul Latiff, berkata RMK13, berfungsi sebagai pelan indikatif dari 2026 hingga 2030 akan membantu merangsang pelaburan domestik dan asing melalui pembaharuan dasar dan insentif.

"RMK13 boleh meletakkan Malaysia sebagai peneraju da-

ngan memanfaatkan kekuatan sedia ada dalam pembuatan dan semikonduktor, memacu integrasi serantau menerusi rangka kerja ASEAN dan menerima pakai kedudukan serantau yang strategik.

"Ia juga harus menyasarkan untuk memajukan rantaian nilai semikonduktor dan menambah baik daya tahan rantaian bekalan serantau, pada masa sama tidak mengabaikan kemampanan dan keterangkuman dalam kalangan perniagaan tempatan," katanya.

Dokumen RMK13 itu dijadual dibentangkan di sidang Dewan

Rakyat pada 31 Julai depan oleh Perdana Menteri yang juga Menteri Kewangan, Datuk Seri Anwar Ibrahim.

Selain itu, Ahmed Razman berkata, pelan strategik lima tahun itu juga harus menggalakkan automasi melalui insentif penggunaan teknologi, sokongan untuk peralihan tenaga kerja dan dasar jelas dan stabil.

"RMK13 harus mempercepatkan pendigitalan dengan melabur dalam infrastruktur digital, menyediakan insentif untuk penggunaan digital, mewujudkan ekosistem dan kerjasama serta mengukuhkan kese-

lamatan siber dan tadbir urus data," katanya.

Sementara itu, Profesor Ekonomi Universiti Sunway, Yeah Kim Leng, berkata RMK13 harus mengutamakan mewujudkan dan membolehkan persekitaran untuk pasaran bebas berkembang maju dan bagi perusahaan swasta untuk berinovasi, bersaing dan makmur.

Beliau berkata, Malaysia dijangka beralih kepada status negara berpendapatan tinggi seperti yang ditakrifkan oleh Bank Dunia dalam tempoh RMK13 dari 2026 hingga 2030.

Kim Leng menekankan ba-

hawa satu daripada pemacu utama peralihan ini ialah pengembangan berterusan bagi sektor pembuatan dan perkhidmatan bernilai tinggi dan maju.

"Peningkatan pelaburan langsung asing (FDI) baru-baru ini telah menambah baik daya saing negara dan kedudukan strategiknya sebagai hab serantau bagi rantaian bekalan semikonduktor dan pusat data.

"Selain semikonduktor dan pusat data, industri seperti kecerdasan buatan (AI) dan berkaitan Revolusi Perindustrian Keempat (Industri 4.0) juga penting," katanya. BERNAMA